

ქუთაისის საჯარო ბიბლიოთეკის წელიწლები
ANNUAL OF KUTAISI PUBLIC LIBRARY

IX

2017

ნიკოლოზ ოთინაშვილი

**სვანეთიდან მიზრაცხის ამსახველი ტოარნიშვილი
რაჭასა და მიზა ქართლში**

ჩვენი წარსულის შესასწავლად ერთ-ერთი საინტერესო უბანია ონომასტიკა, რომელიც აერთიანებს სახელებს, გვარსახელებს, ტოპონიმებსა და სხვა. ხშირად ადამიანები მართებულად ვერ ერკვევიან ამა თუ იმ საკუთარი სახელის ან ანთროპონიმის წარმომავლობაში და უფრო ეყრდნობიან ხალხურ ეტიმოლოგიას, რაც, რა თქმა უნდა, არადამაჯერებელია და საერთო არაფერი აქვს მეცნიერულ ეტიმოლოგიასთან. ქართული გვარსახელები სხვადასხვანაირად არის კლასიფიცირებული და რამდენიმე გამოიყოფა, მათ შორის ტოპონიმური, ეპონიმური, რომელიც წინაპრისგან მომდინარეობს, ეთნონიმური, როცა გვარში ჩანს რომელიმე ეთნოკური ჯგუფის ფუძე, მაგალითად ბერძენი, თურქი, ლეკი, აფხაზი და გვაქვს გვარები ამ ლექსიკური ერთულებიდან.

ქართულ სინამდვილეში მომხდარია მთელი რიგი პოლიტიკური მოვლენები, ბრძოლები, მიგრაცია, იმიგრაცია, რაც ახალი ტოპონიმიკური ერთულებისა და ანთროპონიმების წარმოქმნას უწყობდა ხელს.

ასეთ დროს იქმნება განსაკუთრებული სისტემები ენაში და მათი ანალიზი აქედან უნდა დაიწყოს. საკუთარი სახელი ენათმეცნიერული მეთოდებით უნდა იქნეს შესწავლილი, რაც გულისხმობს სახელდების ზოგადი საკითხების კვლევას, გარკვევას, წარმოების საშუალებათა ანალიზს.

აღნიშნული წერილი ეძღვნება იმ პრობლემის განხილვას, რომელიც საქართველოს ერთ-ერთი ძევლი კუთხის სვანეთის ონომასტიკური ერთულების გარჩევას ეხება. ჩვენი მიზანია სვანეთიდან მიგრაციის შედეგად შიდა ქართლში განსახლებული სვანური ელემენტის შედეგად მიღებული ერთულების წარმოჩენა, ასევე რაჭაში ჩაწერილი მასალების განხილვა.

სვანური ელემენტის შესახებ შიდა ქართლში რამდენიმე ისტორიული დოკუმენტი გვაძლევს ცნობებს, რომელთა შესწავლა და გამოქვეყნება საჭირო საქმეა. ასეთი წყაროა ხელნაწერთა ეროვნულ ცენტრში დაცული საბუთები, რომელთა საარქივო ნომრებია: 1606, 1611 და 9324. აღნიშნულ საბუთებში დაცულია შვიდი ათეული დასახლებული პუნქტის, მათ შორის დიდი ლიახვის ხეობის მოსახლეობის აღწერის მონაცემები. სამივე დოკუმენტი თარიღდება მეთვრამეტე საუკუნის ბოლო მეოთხედით (ა. თაბუაშვილი, 2013, გვ. 70-71).

სოფელი ხეითი, რომელიც მდინარე დიდი ლიახვის მარცხენა მხარეს მდებარეობს, იმ დროისათვის ცნობილი ფეოდალის ფარსადან მაჩაბლის საკუთრება ყოფილა. აქ ცხოვრობდნენ ხიდაშელი დალაქის შვილი ერთი კომლი, ხიდაშელი გიორგი, თამაზა და მამუკა, ხიდაშელი ნინია და მისი ძმა გლახა.

როგორც ზეპირგადმოცემები გვიდასტურებს, რომლებიც კატო ხიდაშელის, შალვა და ანტონ ხიდაშელებისაგან გვაქვს ჩაწერილი, ხიდაშელის პირველი გვარი მუშკუდიანი ყოფილა, სვანეთში უცხოვრია, კაცი შემოვდომია და რაჭის სოფელ ნაკიეთში შეხიზულა, შემდეგ მოსისხლეები შერიგებულან, მაგრამ

მაჭავარიანები ცხოვრობდნენ და აზნაურის ტიტული ჰქონდათ ქართლში, გვერდისძირის სოფელ ჯარიაშენში, სადაც ოთხი ოჯახი დღესაც ცხოვრობს. ასევე მათი კუთვნილება იყო დღევანდელი ნასოფლარი “შატათგორი”, რომელიც სოფლის ჩრდილოეთით იყო და სოფელს იქიდან აქვს გამოყვანილი სასმელი წყალი. შატათგორი ძელი სოფელია, რომელიც მოხსენებულია ვახუშტი და იოანე ბაგრატიონების “აღწერებში” (ვ. ბაგრატიონი, 1991, გვ. 21; ი. ბაგრატიონი, 1986, გვ. 38).

მაჭავარიანებს დღევანდელი ზემო არცევის აღმოსავლეთით ჰქონდათ 100 ჰექტარი მამული, რომელიც მერე მთიდან ჩამოსულ მოახალ შენებს დაურიგეს. ცნობილი პიროვნება იყო სოფელში იოსებ მაჭავარიანი, რომელსაც ასევე ცნობილი შვილები ჰყავდა – დავითი და ნიკოლოზი. ამ გვარიდან შემორჩენილია შტოგვარები: დათიკოაანი – დათიკოაანთი, იოსებაანი – იოსებაანთი, ნიკაანი – ნიკაანთი. დღეს სოფელში ცხოვრობენ ზურაბ, ფარვიზ, დავით და იური მაჭავარიანები, რომლებიც წინაპართა ტრადიციების ლირსეული გამგრძელებლები არიან.

სვანაძის რამდენიმე ოჯახი ცხოვრობდა ცხინვალში, რომლებიც წარმომავლობით სვანები იყვნენ, რაჭიდან მოსულები. იოანე ბაგრატიონი ზემოხსენებულ შრომაში აღნიშნავს, რომ “სვანაძე – არიან სვანეთის აზნაურნი მუნითგან გადმოსულნი სვანის ძედ წოდებულნი” (ი. ბაგრატიონი, 1997, გვ. 127). აღნიშნულ გვარს **-ეთ** სუფიქსით სახელობითში დაერთვის “ნ” თანხმოვანი და ვლებულობთ: სვანაეთი. ამგვარის შტოგვარებია: ვანოაანთი, ვალიკოაანთი, სერგოაანთი. ასევე გვართან არის დაკავშირებული განსხვავებული სვანიძე, რომელიც ასევე სვანური წარმოშობისაა, ისინი ცხოვრობდნენ და ახლაც არიან რაჭის სოფელ ბაჭში, ასევე იმერეთის სოფლებში ინაშაურში, ისრეთში.

ყიფიანის გვარი გვხვდება ქართლის რამდენიმე სოფელში, მთელი დასახლებაა ქარელის სიახლოეს, რომელსაც ეწოდება ყიფიანთ უბანი. ი. ბაგრატიონი “შემკლებით აღწერაში” აღნიშნავს: “ამათნი წინაპარნი არიან მოსრულნი სვანეთითგან, რომელნიცა მეფეთაგან მიღებული იქნა თავადად, ამათნი გვარნი სახლობენ სვანეთს, ახალციხეს, იმერეთსა და ქართლში” (ი. ბაგრატიონი, გვ. 1986, 81). ყიფიანების თავდაპირველი საცხოვრებელი ჩოლურის თემის სოფელ ედიყში ყოფილა, რომელიც ამჟამად ნასოფლარია, სადაც ახლაც არის თავდაცვითი ნაგებობებისა და ეკლესის ნაშთები. ყიფიანების ერთ-ერთი შტო სვანეთიდან წამოსულანდა რაჭაში მოსულა, ისინი დღესაც ცხოვრობენ სოფელ ჭრებალოსა და ხვანჩერაში.

სოფელი **ისროლისევი** მდებარეობს მდინარე მეჯუდის სათავეში და ისტორიული წყაროების მიხედვით (ვახუშტი და იოანე ბაგრატიონები) არი იყო ამ სახელით, რაც ვახუშტის მიერ 1745 წელს შედგენილ რუკაზეა დაფიქსირებული.

მეცნიერებაში ამ პუნქტის შესახებ გამოთქმულია დამაჯერებელი ვარაუდი, რომ ისროლი სვანურად ისლს ნიშნავს, ხოლო აწ უკვე ნასოფლარები, რომლებიც გვარის მიხედვით არის ნაწარმოები “ფაჩური” და “ლაფაჩი”, პირველი ცაცხის სახელია, მეორე კი საცაცხვე სვანური კილოკავის მიხედვით. ამავე ხეობაში არის სხვა ხეობაში გადასასვლელი, რომელიც კლდეებით არის გადალობილი და ეწოდება კოჭორი, რაც სვანურად კლდეს ნიშნავს. აღსანიშნავია,

რომ ადრე მცხოვრები მოსახლეობა, გვარად გინტურები და ციცაგები, უწოდებდნენ და ახლაც უწოდებენ როგორც კლდეს, ისე კოჭორს – კოჭორებს.

ამ ხეობიდან აღმოსავლეთით არის დიდი კლდე, რომლის მერე მდებარეობდა პატარა სოფელი **ოლოფთა**, ამ კლდეს ეწოდება **კაცა**, რომელიც სვანურ კაცხ სიტყვას უკავშირდება, რაც **წვერს** ნიშნავს.

ქსნის ხეობაში მდებარეობს სოფელი **ლარგისი**, რომელიც “1774 წლის ქსნის ხეობის სტატისტიკური აღწერით”, ამ სახელით არის მოცემული. 1781 წლის აღწერით კი სოფელი მონასტერია. როგორც ადგილზე დაკვირვებით დავადგინეთ, ლარგვისის აღმოსავლეთით არის ტყიანი ფერდობი, რომელსაც “ლაგური” ეწოდება. “გურ” სვანურად ნიშნავს შუა ადგილს და, მართლაც, აღნიშნული ბუნქტი სამი მდინარის: ქსნის, ჭურთისწყალს – ჭურთულასა და ცხრაძმულას შორის – შესართავში არის მოქცეული. როგორც ჩანს, მონასტერი ეწოდება ამ სოფელს იმიტომ, რომ აქ ქსნის მარჯვენა მხარეს აღმართულია გუმბათოვანი ტაძარი – ლარგვისის მონასტერი და ეს სახელი ბუნქტივად ხალხის ხსოვნაშია დარჩენილი, ხოლო “ლარგუ”, სადაც ახლაც არის მცხოვრებთა სახლის ნაშთები, ეს სახელი გაფართოვდა და მას შეერწყა მონასტრის სახელი და მივიღეთ ლარგვისი, სადაც -ის სუფიქსი საკუთრებას გამოხატავს.

ლარგვისის სამხრეთით, მდინარის მარჯვენა მხარეს არის ნასოფლარი **ქვენიფნევი**, რომელიც არაერთ ისტორიულ წყაროშია მოხსენებული. ნასოფლარს ჩამოუდის დასავლეთით ტყიანი ფერდობიდან პატარა მდინარე **იფნეურა**, რომელიც იწარმოება ჰიდრონიმთა ცნობილი მაწარმოებლიდან ქართულში -ურა სუფიქსით. იფნანი არის სოფელი სვანეთში, რომელიც მცენარე ითანის აღმნიშვნელია. იფნანი ნიშნავს ითნიან ადგილს და სწორედ ამიტომ შეერქვა იფნანის მიხედვით იფნევი, სადაც -ევ სუფიქსი ძველ ქართულში მრავლობითობის აღმნიშვნელია. ნასოფლარის დასავლეთის მხარეს არის ითნის დიდი კორომი, რამაც ასახვა ჰპოვა სახელის დარქმევაში, ქვე კი ნიშნავს ქვემო ადგილს – სამხრეთს, სადაც ლარგვისის ქვემო მხარე არის ნაგულისხმევი.

ლარგვისი რომ ძველი გეოგრაფიული სახელწოდებაა, ამას აღნიშნავს ქსნის ერისთავთა საგვარეულო მატიანე “ძეგლი ერისთავთა” მეცამეტე-მეთოთხმეტე საუკუნეების მიზანზე. ლარგვისის მონასტერი მეთხუთმეტე საუკუნის მეორე ნახევარში განუახლებია ქსნის ერისთავს შალვა ქვენიფნეველს, რაც მოთხრობილია მის მიერ შედგენილ ტიპიკონში, რომელიც დაიწერა 1470 წელს, სადაც იფნევიდან იწარმოება გეოგრაფიული ტიპის გვარი ქვენიფნეველი.

რაჭის სოფლებში სვანური ელემენტი უფრო ჭარბად გვხვდება, რაც სვანეთიდან ტერიტორიის სიახლოვით არის განპირობებული.

გოგრიჭიანის გვარი გვხვდება შემდეგ სოფლებში: ჩორდში, სევასა და ლებში, რომლებიც ფაქტობრივად სვანურ დიალექტზე ვეღარ საუბრობენ. როცა ამ გვარის ხალხს ჩორდში გავესაუბრეთ მათ დაადასტურეს, რომ ბარად, კერძოდ ფრონეს ხეობაში, 1715 წლის რუისის საეპისკოპოსოს დავთარში მოხსენებული გოგრიჭიანი მარკოზი მათი სოფლიდან იყო წასული სხვა რაჭელებთან ერთად, რომლებიც სოფელ ძალინაში იყვნენ საცხოვრებლად წასულები (ე. თაყაიშვილი, 1907, გვ. 147). ხსენებული პირის შთამომავლები დადიოდნენ ჩორდში, მაგრამ დროთა განმავლობაში კავშირი გაწყდა, როცა ფრონეს ხეობაში, კერძოდ სოფელ ძალინაში რაჭიდან მიგრირებული ნამოსახლარი

მოვიკითხეთ, გვიჩვენეს სოფლის დასავლეთით ახლოს ტყე-ბუჩქნარი, რომელსაც “ღონაძის ახო” ეწოდება; სწორედ ამ ადგილებში ცხოვრობდა რაჭიდან ჩამოსული ხალხი, რომელიც შემდგომ ბარად, კერძოდ კი ქარელის რაიონის სოფლებში და სხვაგან არიან ჩასახლებულები.

სვანეთიდან წამოსული დავითულიანები ცხოვრობენ ამბროლაურში და სოფელ აბანოეთში. **ჭუჭეიანი** ცხოვრობს ონში, ამ გვარის ხალხს ნაცნობობა და მეგობრობა აქვთ გორის სოფელ ტინისხიდში მცხოვრებ ჭუჭეიანებთან.

სვანი ასეთი გვარი დავაღასტურეთ სოფელ ჭიბრევში. ამათი შტო გვარებია: პორფილენი, მაჭისმენი, მაგრამ შოთაანთი, არტემაანი – არტემაანთი.

სვანური ელემენტის გამოვლენა გრძელდება.

დამოწმებული ლიტერატურა

ა. თაბუაშვილი, 2013 – ა. თაბუაშვილი, ქალაქ ცხინვალისა და მისი მიმღებარე სოფლების აღწერის დავთრები (XVIII საუკუნის II ნახევარი), თბ., 2013.

ვ. ბაგრატიონი, 1895 – ვ. ბაგრატიონი, საქართველოს გეოგრაფია, ტფ., 1895.

ი. ბაგრატიონი, 1986 – ი. ბაგრატიონი, ქართლ-კახეთის აღწერა, თბ., 1986.

ი. ბაგრატიონი, 1997 – ი. ბაგრატიონი, შემოკლებითი აღწერა საქართველოსა შინამცხოვრებთა თავადთა და აზნაურთა გვარებისა, თბ., 1997.

სწა, 1988 – სვანეთის წერილობითი ძეგლები, II, ებიგრაფიკული ძეგლები, ტექსტი გამოსაცემად მოამზადა, გამოკვლევები და სამეცნიერო-საცნობარო აბარატი დაურთო ვალერი სილოგავამ, თბ., 1988.

ე. თაყაიშვილი, 1907 – ე. თაყაიშვილი, მოგზაურობანი და შენიშვნანი, ტფ., 1907.

NIKOLOZ OTINASHVILI**TOPONIMS REPRESENTING OF MIGRATION FROM SVANETI TO RACHA AND SHIDA KARTLI**

One of the interesting things for studying our past is onomastics which unites names, surnames, toponyms, zoonyms. A number of political events, battles, migration, immigration, encourages to create the new toponymic units and anthroponyms.

Our aim is to show new units in ShidaKartli and Racha determined by the migration from Svaneti and discuss the recorded materials in Racha.

On the right side of the river Didi Liakhvi there is so called „Khidasheli district“, the people with the surname Khidasheli came from Racha to Svaneti. They had a different surname but one of them killed a man and escaped the death together with his brother. They hid in the wood which was near the village of Naketi. The villagers called that part „Khidasheli“.

There is a village Largvisi in Ksani gorge which was once a monastery. Largvisi holds Georgian-Svanetian toponymic meaning- in Svanetian dialect it means “the middle”.

Several families lived in Tskhinvali by the surname Svanadze from Racha. Ioane Bagrationi writes that “they are from Racha“ in his work.

According to the language peculiarity this surname was formed by *Rachvelian* dialect that is by names of „et“ suffix, we add the „n“ consonant and finally we get Svanaetni.

As for the Kipianis Ioane Bagrationi writes that their ancestor came from Svaneti and settled in Svaneti, Akhaltsikhe and Kartli. There is a village Kipiani in Kareli Region.